



Broj: 06-08-1-2302-1/2023
Sarajevo, 22.06.2023. godine

SVI SUDOVI U BOSNI I HERCEGOVINI
N/r predsjednika/ce suda

Predmet: Zahtjev za postupanjem, dostavlja se

Poštovani,

Podsjećamo da je članom 3. Uputstva za primjenu Kriterija za ocjenjivanje rada predsjednika sudova u Bosni i Hercegovini i Kriterija za ocjenjivanje rada sudija u Bosni i Hercegovini, broj 06-02-3-3659-1/2022 od 09.11.2022. godine (u daljem tekstu: Uputstvo), propisana obaveza ocjenjivača da osigura da se dodjela bodova po kvalitativnim elementima ocjene rada sudija i predsjednika suda¹ temelji na odgovarajućem obrazloženju relevantnih informacija. Navedene informacije se preuzimaju iz relevantnih izvora i zaključaka ocjenjivača o ostvarenim radnim rezultatima ocjenjivanog nosioca pravosudne funkcije i suda u toku perioda ocjenjivanja, i unose u odgovarajuće obrasce predviđene Kriterijima za ocjenjivanje rada sudija u Bosni i Hercegovini („Službeni glasnik BiH“, broj 1/21), Kriterijima za ocjenjivanje rada predsjednika sudova u Bosni i Hercegovini („Službeni glasnik BiH“, broj 1/21) i Uputstvom.

Kako bi se osigurala jedinstvena i pravilna primjena Kriterija za ocjenjivanje rada sudija u BiH i Kriterija za ocjenjivanje rada predsjednika sudova u BiH, VSTV BiH **razmatra i po potrebi traži pojašnjenja od ocjenjivača za provedenu dodjelu bodova po navedenim kvalitativnim elementima ocjene rada, a imajući u vidu raspoložive informacije o radu ocjenjivanog nosioca pravosudne funkcije i suda, naročito u slučaju dodjele najvećeg predviđenog broja bodova za navedene elemente.**

S tim u vezi, Stalna komisija za efikasnost i kvalitet sudova (u daljem tekstu: Stalna komisija) je razmotrila podatke o broju sudija kojima je ocjenjivač dodijelio najveći predviđeni broj bodova za kvalitativne elemente ocjene rada. Na osnovu provedene analize **uočen je nastavak prakse ocjenjivača iz prethodnih godina da značajnom broju sudija dodjeljuju najveći predviđeni broj bodova za element ocjene rada „Ažurnost rada sudija“, parametar b) iz član 18. stav (1) Kriterija za ocjenjivanje rada sudija u BiH.** Obzirom na nalaze analize, Stalna komisija je zaključila da se od sudova **zatraži da kontinuirano tokom 2023. godine provode adekvatnu analizu rada svakog nosioca pravosudne funkcije posebno po elementu ocjene rada Ažurnost rada – Parametar b) Blagovremenost u izradi odluka i donošenju naredbi.**

Dodatno, **potrebno je da predsjednici sudova imajući u vidu relevantne odredbe Kriterija za ocjenjivanje i član 8. Uputstva definišu konkretne dodatne parametre kojima će se rukovoditi prilikom provođenja postupka ocjenjivanja za 2023. godinu, te na općoj sjednici suda, odnosno sjednici kolegija sudija upoznaju sudije sa istima. Ocjenjivači**

¹ Ažurnost rada – Parametar b) Blagovremenost u izradi odluka i donošenju naredbi; Posebni slučajevi ocjenjivanja, Organizacija i rukovođenje radom suda – Parametar a) redovno izvršavanje obaveza

će biti dužni da primjenjuju ove dodatne parametre prilikom ocjenjivanja rezultata rada sudija za 2023. godinu za element ocjene rada Ažurnost rada – Parametar b) iz člana 18. stav (1) Kriterija za ocjenjivanje rada sudija („Službeni glasnik BiH“ broj 85/22). Neophodno je da predsjednici sudova utvrđene parametre i izvod zaključka sa opće sjednice, odnosno sjednice kolegija sudija dostave predsjedniku neposredno višeg suda i VSTV BiH putem emaila: vstvpravosudnauprava@pravosudje.ba najkasnije do 02.10.2023.godine. VSTV BiH će uzeti u obzir ove parametre prilikom pregleda obrazaca za ocjenjivanje rada sudija za 2023. godinu.

S poštovanjem,



Dostaviti:

- Naslovu,
- a/a.